

具法位臣姓某奉行

玉清召六甲六丁金童符告文

玉清元光金真召六甲六丁金童符速句 橫易

符見符 命門

右告下甲 金童 丁 金童 超度亡魂

上登 道境一如玄利律令

歲 年月 日 時告下

具法位臣姓某奉行

玉清召六丁六甲五女符告文

玉清靈華紫光召六丁六甲五女符速句 橫易

符見符 命門

右告下丁 玉女 甲 玉女超度亡魂上

登 道境一如玄科律令

歲 年月 日 時告下

具法位臣姓某奉行

无上黃籙大齋立成儀卷之四十五

无上黃籙大齋立成儀卷之四十六

太上執法仙士將叔典編集

白語次第門

初受投詞祝文 高主貴狀并法信 請此即引高主指大道前再拜上香 執狀自述發誓竟此次再拜立以

敬狀換法師受狀置簡 上取信香數以上奏云

具法位臣某謹焚香奏啓

玉清上帝元始天尊上清大帝靈寶天尊太

清大帝道德天尊昊天玉皇上帝紫微天皇

大帝紫微北極大帝太微南極長生大帝東

極太乙救苦天尊十方靈寶天尊五老上帝

三十二天帝君靈寶經籍度師真君玄中教

主上清靈寶聖師真君三天法主正一靜應

真君三元天地水官帝君北陰酆都玄天大

帝五嶽聖帝水府扶桑大帝注錄治職靈官

將吏虛空監察感應威靈悉仗真香普同供

養香乃玉華散景九氣凝煙香雲密羅運衝

九天侍香金童傳言玉女上聞帝前令臣啓

奏感乞如言今據某鄉貫請至齋主投狀 具 云離用物儀詞投臣乞為修奉伏念臣幸因宿慶叨佩靈

章職在宣揚理難抑絕護當擇日建立靈壇

依式告盟宣行齋事伏乞天恩昭監聖造證

盟俾弟子無障難不生齋功克就先亡受度

幽顯蒙休臣無任瞻天稽聖激切屏營之至

謹啓以聞

請牒文 撤文以奏玄耶 皆為類者同也

具法位臣姓某上啓

三天大聖都天大法主天師正一靜應真君

伏以人炁中流受化者資於不化天真下降

無為而入於有為故三籙之明科開九泉之

生路凡伸修奉合具敷陳今據具官某退薦

某靈乞就某處開建

无上黃籙大齋滿散併設謝恩清醮若干分

位仰憑道力普濟幽冥以今請命諸天告盟

三界恭依元範開建靈壇伏念某性質凡微

形神穢濁慮冀期於通感致有玷於齋功恭

請師專主盟法事凡書檄命悉假徽稱所冀

三界萬靈恭承號召十方大聖洞達聽聞仰

瀆高明乞垂賜可某無任祈聖俟恩之至

關發文 法師存變步罡境神照來 關召請司府吏白如本科

次法事 洒淨

焚香供養某甲子年年直功曹使者某甲子  
月月直功曹使者某甲子日日直功曹使者  
某甲子時時直功曹使者上界直符使者中  
界直符使者下界直符使者法錄治職真仙  
將吏靈官玉女上奏功曹里杜城隍監察土  
地承受應感一切感靈伏以大道無私惟誠  
可格至神如在有感斯通爰伸請召之儀冀  
諒精虔之懇以今奉為具官某進薦某靈乞  
就某處修奉无上黃籙大齋今將依科崇建  
如律關盟匪仗神功無由傳達用修菲供肅  
迓神光稽首皈依一心奉請

請將吏符使四直土地

一元布化萬範開張三界分司百靈受職具  
官將吏符使功曹里杜神杪承受土地既符  
所請來赴法筵願監精誠受歡獻禮

初獻

大梵之天上無色景重陰之府下極風輪念  
陟降之迴殊匪聲容之可接飛行無碍惟尔  
有神三境十華八真九疊體茲陳祝速為通

傳不顯威靈立符彰感用揚法以副傾祈

亞獻

頤饗之薦在物雖微齋戒所將於誠為至敬  
渴澤供以啓丹衷請遵稟於元科為通傳於  
檄命乘風馭炁倒景升遐上窮非想之天下  
極網維之境遶迎具叙降格壇場全賴神庥  
圓成齋事

終獻

洞章聲聞薦獻禮周曲延於威靈祈奏聞  
於詞悃謹憑文翰以達信誠具載公文敬當  
宣示

讀關牒焚燬如儀

進章啓正一祖師文

具法位恭謹上啓  
祖師三天大法師正一靜應真君正一女師  
真人正一嗣師真人系師真人伏以度死濟  
生齋著洞玄之格宜慈助化章嚴正一之科  
分十二百官君總二十四治炁其身充廉察  
職在宣騰况奉歸投理難抑絕入朝恭取人  
辰進拜天官某章上詣某官曹治恭憑道力

普拔冥途伏念某叨佩靈章混同序俗欲馳  
神於紫闕以請命於清玄非假思光莫期感  
徹乞頒真旨告召仙靈扶衛章書依文進御  
齋誠上達冀四洞鑒之聰天澤下臨克濟沈  
淪之苦某下情無任虔祈禱懺之至

進章應靈官三獻文

具法位姓某焚香上啓

三元唐葛周真君上章曹治引造仙寮二十  
四治建節監功大將軍効功幼殺驛庭令丞  
監功謁者從事功曹使者驛吏書佐童子官  
君將吏天官某章中靈官典者法錄治職仙  
靈真官直日直神從官符吏里域真官杜搜  
將吏扶衛章書一切感靈伏以絳闕清都上  
極虛无之境神州赤縣下通冥漠之御雖陟  
降之迴殊念精誠之可格以今奉為某資薦  
亡靈某魂恭取今辰進拜天官某章欲仗威  
靈進呈曹治爰陳菲供肅迓靈聰願垂降鑒  
之私允納精誠之禱齋官某無任仰望威光  
之至稽首皈依謹當奉請

上香 請聖 初獻法事

教闡玄元著拜表上章之訣科傳正一留飛  
神謁帝之儀仰叩玄聰俯仰丹禱今齋官某  
貴持法信崇建寶齋預拜章書乞超逝爽伏  
願三元上宰引進仙官四部監章貴呈從事  
羅列幽簿關啓宮吳庶彰旨教之宣流以顯  
神功之溥博齋官某不勝虔禱之至

上香 亞獻法事

赤書御運黃籙垂文普拯護於幽明用超凌  
於品彙爰立通章之法俾殫奉事之誠非假  
威靈孰彰神化請者下而召者到用副傾祈  
濟者度而求者通密符願望仰希仁造洞監  
微衷齋官某無任懽禱之至

上香 終獻法事

禮周三獻詞已備陳寶章行奏於三天玄澤  
析頒於九地速飛神馭徑過剛風具案文書  
通傳情旨散齋竣事如律奏功少駐威靈以  
俟遣發

進章謝祖師文

非濫充祭酒冒進章書念穢禿之未消慮忱  
誠之難格輒析真馭降聆來臨今按玄科操

伏已畢懼不明於品則必自速於過愆恭乞  
慈恩特賜原赦塵寰藜藿下土喧囂願返旌  
軒復還霄極某與齋官某無任慕戀之至

啓告符師文

具法位臣姓某上啓

玉清上帝元始天尊上清大帝靈寶天尊太  
清大帝道德天尊東極太一救苦天尊十方  
大聖飛天上真靈寶五師真君三官大帝三  
界應感一切威靈臣聞靈寶垂科功高萬法  
真符赦罪澤普九幽敢祈上聖之恩光用拯  
重泉之苦趣臣今伏為某人資薦某靈崇建  
无上黃籙大齋尚慮所薦亡魂名籍幽曹罪  
違青律不該超度莫觀齋功是用依按典儀  
頒宣符命普令赦宥來赴靈壇今當宣召玄  
都茭龍驛吏青官九龍符命使者地府賁簡  
吾子地道功曹恭對道前承領符命告下幽  
獄開赦亡魂伏乞上聖垂光諸天洞鑒允臣  
奏告許以頒行庶使亡故某沐慧澤以俾酸  
水辭長夜霑天恩而受度徑陟南宮臣無任  
繳切俟命之至

請師開壇詞文

維年某月某朔某日某甲子某鄉貫某處  
居住奉  
大道弟子具位姓某同家眷等謹齋沐虔誠  
稽首再拜上啓

上清三洞法師某君門下竊以祖炁肇分有  
物咸歸於覆育道元始判承流代出於真宗  
必屬至人克揚大教輒伸悃悃仰冒聰明切  
念某等伏為亡過某靈夙契真休生居人道  
久處六塵之妄未清三業之緣懼冥責之難  
逃及人非之稔積既淪夜壑永隔陽光非憑  
微妙之科曷濟湮沉之苦旁求上上式建靈  
壇恭惟度師真士先生體道粹純潛心虛寂  
悟三洞四輔之旨為十方三界之師開戶牖  
於玄門作舟航於苦海天人仰德幽顯蒙恩  
伏望曲軫弘慈俯從丹禱飛神總管冥通三  
境之天錫命頒符下拔九泉之魄度雲垂而  
生意無盡靈風聚而死骸發煙俾茲受對之  
魂證彼登真之果更冀九玄滯識六道幽靈  
咸登解脫之鄉共達希夷之岸依歸至切敷

迷冥殫下胃感尊其下情無任懶禱激切之至

開壇請答文

齋官度詞畢監齋致詞云黃錄大齋紫清秘  
範功高萬法澤普九幽伏請師慈升壇演法  
師答云寶齋妙重玄範幽深非洞貫於威儀  
莫宜揚於科典搗材非稱受請難當 監齋  
又致詞云玉宸下化三洞宣行黃錄成儀九  
幽開奉宜獨一心之懇願抑惟四輩之傾瞻  
冀體天恩俯從人欲儻亡靈之獲度實師寶  
之垂慈 師答云濟死度生實憑妙範代天  
行化必屬至人自愧凡庸敢當大請 監齋  
又致詞云幽靈遊奕齊到玄壇色節華燭共  
臨法席伏望宣流法教廣濟幽沉豈惟大道  
之慈恩抑實羣迷之幸會齋官某某等無任虔  
析懇切之至 法師答云真心易昧至道難  
知以六塵染着之身居五濁浮華之世業緣  
報對神爽沉淪非我法門無由超度過承大  
請敢廢關行科有桑章吾當宣演 齋官同  
壇眾欲拜謝法師以手止之贊引法師

陸座祝香啟

啟盟文高功陸座法象序立陸堂法  
事俱監齋跪請奉詞 功捧香  
浮黎國內玉京山中億萬年結炁凝煙百千  
衆通誠達信根盤寫木下葉滿栴檀林寶香

一炷焚鑪中三界十方咸稽首早以香  
焚鑪中  
焚香上啟  
三清三境十極十華無上至真道經師寶十  
方三界千真萬靈黃錄大齋感應真宰伏願  
驂龍駕鳳飛空步虛降臨道場證盟功德就次

微妙同元蓋一真之未布機祥有統由  
三炁之初分寂寂至無之宗蕩蕩自然之化  
生於象帝之始隱乎空洞之中元始開圖敷  
五文於碧落洞玄啓秘四十轉於本章生生  
之義難終難窮化化之原莫明莫測運兩儀  
之開關使萬品以化成德本好生獨立長生  
之道功惟不宰孰知真宰之筌非常道而非  
常名無弄人而無弄物尊自三皇之始道全  
乎人迄于五帝之終人遠乎道私偽勝而天  
理滅幻境迷而覺性昏不能保命而愛神益

見背真而就偽生由是而死由是出於機而  
入於機汨正念於喜怒哀憤棄其常如夢幻  
泡影自取死壞離其本根人非鬼責以燕攻  
雪刃霜鋒之交至炎炎烈火獄我我丘寒池  
皆由一念之邪自致九幽之苦舉聲悲呼使  
知宿命之非救苦化身未遇需恩之及緊眾  
罪流吹不息惟太上拔領無邊宏敷黃錄之  
文茂著盟真之典控九鳳八鸞之駕暴救十  
方宣九龍二虎之符開度六趣變執惱以雲  
腴之醴燦火翳以靈寶之光劍樹摧鋒鏖湯  
息浪普名既終而麗華得度一人無畏而此  
帝請陳是為無上之緣茲實難量之果蓋以  
元皇敷化列聖流通經分三十六部而度人  
莫先齋列二十七等而黃錄為首葛仙公授  
大洞之旨張靖應校正一之文仙源流派而  
浩浩無涯真系傳宗而綿綿不絕非惟功德  
之普博抑亦禁戒之威嚴非丹誠惟一惟精  
豈大範可聞可見今黃錄大齋官某某誠十  
極請命三天奉先思孝而遠度億曾修善建  
功而普資羣英投誠瀝歎貴信効盟廣邀清

靜之疏祗建盟真之會宜得上士與之宣行  
 如某者法海陳人玄門末學濫處冠裳之列  
 叨承師匠之傳體未洞真豈足致形神俱妙  
 德惟謙薄安能使天地同歸所當墮肢體而  
 黜聰明處山林而就藪澤夫何塵跡誤辱藻  
 詞顯惟皇灼之餘益認精虔之至所幸膏緣  
 有自翊贊得人期共結於摠盟庶克圓於齋  
 事況以科條具載功過悉分三官五帝之書  
 九府四司之錄毫分無失纖芥不遺弗簡簡  
 慢之心恐墜薦修之福必也告盟天地贊摠  
 鬼神各罄丹心不生異念當使功標青簡超  
 七祖以生天無令罪結黑書致九玄之墮地  
 登壇之際受職之初感秉摠言共揚大教今  
 則齋莊既肅盟誓云周佩玉鏘鏘見十方之  
 振響威儀濟濟仰萬聖之監觀同運誠心舉  
 揚勝事以立清眾伏惟珍重

請監臨將吏文

焚香上請  
 法錄治職靈官仙吏諸司法院官將吏兵虛  
 空監察應感靈司直符功曹香官騎吏本府

城隍大王監衛齋壇其神當境上地里域真  
 官一切神祇伏以天地開張萬靈受職聖真  
 降監百神駿奔迎奉廳與關盟齋法今將嚴  
 事合具告聞以今奉為某官追薦某靈請修  
 无上黃錄大齋將啓靈壇恭宣寶範伏請合  
 盟布摠共建齋功掃穢除氛祇迎真馭通傳  
 詞悃延佇靈光宜整肅於威儀以導迎於景  
 既各遵壇禁毋紊齋盟依準玄科玉律疾速  
 施行

次宣摠言榜

請玄師文

具法位姓某上啓  
 三天化主玄中大法師真君伏以位直三界  
 仰師寶之隆名教演重玄賴慈光之拯物四  
 十二壇醮法七十二等齋科總為羣生普濟  
 諸苦凡伸修奉合具敷陳某今奉為某人追  
 薦某靈請修  
 无上黃錄大齋今將依按玄科關行齋法仰  
 祈恩霽普濟幽明恭乞祥光下臨壇席却諧  
 魔惱錫正炁於靈關鑒此齋忱拯沉魂於幽

夜慶軍家國澤被存亡某等不勝虔切懇禱  
 之至稽首皈依修齋奉請

請五帝文

具法位姓某上啓

東方安寶華林青靈始老青帝九炁天君南  
 方梵寶昌陽丹靈真老赤帝三炁天君西方  
 七寶金門皓靈皇老白帝七炁天君北方洞  
 陰翔單鬱絕五靈玄老黑帝五炁天君中央  
 玉寶元靈元老黃帝一炁天君臣聞元始開  
 圖具文現世三元真位五帝司方運陰陽生  
 殺之機主人天功過之錄凡伸修奉合具奏  
 陳臣今奉為某人追薦某靈請修

請天師文

具法位姓某上啓

三天法主都天大法天師正一靜應真君伏

以天道無名因文立教至神育物惟聖能成  
必有師資而為規範將仲修奉敢後飯投某  
今奉為某人追薦其靈請修

无上黃錄大齋今將依按玄科關行齋法仰  
祈恩霽普濟幽明恭乞祥光下臨壇席度生  
死有情之苦咸沐齋功洗宇宙曠劫之辜肇  
新元化普令品物永享天休某等不勝虔切  
懇禱之至稽首皈依修齋奉請

請三師文

具法位姓某上啓

靈寶經師具君靈寶籍師具君靈寶度師具  
若伏以結悉成文爰戴重玄之妙先天立教  
獨隆上古之名必有真師總茲具典將仲修  
奉敢後歸投某今奉為某人追薦其靈請修  
无上黃錄大齋今將依按玄科關行齋法仰  
祈恩霽普濟幽明恭乞祥光下臨壇席圍成  
妙果開度沉迷九夜重泉仗威神而通濟三  
塗六趣祈慈澤以昭融國保安寧民躋仁壽  
某等不勝虔切懇禱之至稽首皈依修齋奉  
請

請三官文

具法位姓某上啓

上元一品賜福天官紫微大帝中元二品赦  
罪地官清虛大帝下元三品解厄水官洞陰  
大帝伏以玄元始青之炁開判陰陽水火考  
對之官分司罪福定死生於九府總圖錄於  
三元將啓齋修敢忘扣請某今奉為某人追  
薦其靈請修

无上黃錄大齋今將依按玄科關行齋法仰  
祈恩霽普濟幽明恭乞祥光下臨壇席啓明  
證誓監真度生落滅焉根則女青之罪簿增  
添善果紀南上之仙名全藉真休克圓齋事  
某等不勝虔切懇禱之至稽首皈依修齋奉  
請

請監齋法師文

具法位姓某上啓

靈寶監齋大法師具君伏以赤書御運數靈  
實之本章黃錄度生著盟真之具典將關盟  
於齋法敢請命於師尊某今奉為某人追薦其  
靈請修

无上黃錄大齋今將依按玄科關行齋法仰  
祈恩霽普濟幽明恭乞祥光下臨壇席證盟  
齋事開濟沉魂八冥細微之中俱蒙道蔭九  
幽羅鄴之內咸沐天休真師實之携提俾法  
輪之常轉某等不勝懇禱之至稽首皈依修  
齋奉請

无上黃錄大齋立成儀卷之四十六